



საჯარო სამართლის იურიდიული პირი ილიას სახელმწიფო უნივერსიტეტი

ბრძანება



ქ. თბილისი

N 1979-03

27/07/2020

2020-2021 სასწავლო წლის შემოდგომის სემესტრისათვის ილიას სახელმწიფო უნივერსიტეტის სტუდენტების სამართლის სკოლაში გადასვლის (შიდა მობილობის) ვადების დამტკიცების შესახებ

„უმაღლესი განათლების შესახებ“ საქართველოს კანონის 22-ე მუხლის 1-ლი პუნქტის, საქართველოს განათლებისა და მეცნიერების მინისტრის 2013 წლის 11 სექტემბრის №134/ნ ბრძანებით დამტკიცებული „საჯარო სამართლის იურიდიული პირის ილიას სახელმწიფო უნივერსიტეტის“ წესდების მე-18 მუხლის მეექვსე პუნქტისა და საქართველოს განათლებისა და მეცნიერების მინისტრის 2010 წლის 4 თებერვლის N10/ნ ბრძანებით დამტკიცებული წესის მეორე მუხლის მე-4 პუნქტის, მეოთხე მუხლის მე-3 პუნქტისა და უნივერსიტეტის აკადემიური საბჭოს 2015 წლის 16 ივნისის N7 სხდომაზე დამტკიცებული ილიას სახელმწიფო უნივერსიტეტში სტუდენტის/პროფესიული სტუდენტის სტატუსის მარეგულირებელი წესის მეხუთე მუხლის საფუძველზე, სამართლის სკოლის დეკანის, ირაკლი ფორჩხიძის 2020 წლის 22 ივლისის N6495-35 სამსახურებრივი ბარათის გათვალისწინებით

ვბრძანებ

1. ილიას სახელმწიფო უნივერსიტეტში 2020-2021 სასწავლო წლის შემოდგომის სემესტრისათვის შიდა მობილობა გამოცხადდეს სამართლის სკოლის საბაკალავრო და სამაგისტრო პროგრამებზე;
2. ილიას სახელმწიფო უნივერსიტეტში 2020-2021 სასწავლო წლის შემოდგომის სემესტრისათვის შიდა მობილობის შესახებ სტუდენტთა მიერ განცხადებების დაწერის ბოლო ვადა განისაზღვროს 2020 წლის 7 აგვისტოს ჩათვლით;
3. სტუდენტთა მიერ ილიას სახელმწიფო უნივერსიტეტში 2020-2021 სასწავლო წლის შემოდგომის სემესტრისათვის შიდა მობილობის შესახებ განაცხადი უნდა გაკეთდეს სასწავლო პროცესის მართვის ელექტრონულ სისტემა „არგუსი“-ს საშუალებით;
4. სამართლის სკოლაში შიდა მობილობა ცხადდება:
 - ა) სამართლის საბაკალავრო პროგრამა - 30 ვაკანტური ადგილი;
 - ბ) კერძო(ბიზნეს) სამართალი - 2 ვაკანტური ადგილი;
 - გ) საჯარო სამართალი და პოლიტიკა - 2 ვაკანტური ადგილი;
 - დ) სისხლის სამართლის სამაგისტრო პროგრამა - 2 ვაკანტური ადგილი.
5. სამართლის სკოლაში საბაკალავრო პროგრამაზე გადასვლის მსურველი პირების რეიტინგი დგება ერთიანი ეროვნული გამოცდების სკალირებული ქულების საფუძველზე, ხოლო სამაგისტრო პროგრამაზე გადასვლის მსურველი პირების რეიტინგი დგება შიდასაუნივერსიტეტო გამოცდების საფუძველზე;
6. სამართლის სკოლის სამაგისტრო საფეხურზე შიდა მობილობის წესით გადასვლის მსურველ პირს უნდა ჰქონდეს სამართლის ბაკალავრის ან მასთან გათანაბრებული აკადემიური ხარისხი.
7. ის სტუდენტები, რომლებიც სსიპ ილიას სახელმწიფო უნივერსიტეტში საბაკალავრო საფეხურზე ჩაირიცხნენ კანონმდებლობით დადგენილი წესით ერთიანი ეროვნული გამოცდების გავლის გარეშე, შიდა მობილობაში მონაწილობას მიიღებენ კონკურსგარეშე და არ იქნებიან გათვალისწინებული ვაკანტური ადგილების რაოდენობაში;
8. შიდა მობილობის შესახებ განცხადებების განხილვისა და შესაბამისი დასკვნების სტუდენტთათვის გაცნობის და მათი მხრიდან დასკვნებზე ხელმოწერის ბოლო ვადად განისაზღვროს 2020 წლის 7 სექტემბერი;
9. დაევალოს სამართლის სკოლის დეკანს, უზრუნველყოს შიდა მობილობის პროცესის დისტანციურ რეჟიმში, ელექტრონული ფორმით ან კომუნიკაციის სხვა საშუალებების გამოყენებით განხორციელება (მათ

შორის მიღების წინაპირობების დაცვისთვის აუცილებელი გამოცდების ჩატარება); ასეთის შეუძლებლობის შემთხვევაში სტუდენტთა დაშვება სსიპ ილიას სახელმწიფო უნივერსიტეტში უნდა მოხდეს საქართველოს მთავრობისა და საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს შესაბამისი მითითებების/რეკომენდაციების დაცვით;

10. იმ სტუდენტთა მონაცემები, რომლებიც შიდა მობილობას ახორციელებენ იმ საგანმანათლებლო პროგრამებიდან, რომლის საფასური სრულად ფინანსდება სახელმწიფოს მიერ, იურიდიულ სამსახურს ამ ბრძანებით დადგენილ ვადებში მიეწოდოს ინდივიდუალურად;

11. შიდა მობილობის შესახებ შესაბამისი დასკვნების იურიდიული სამსახურისათვის წარდგენის ბოლო ვადად განისაზღვროს 2020 წლის 8 სექტემბერი;

12. უნივერსიტეტის იურიდიული სამსახურის მიერ შიდა მობილობის შესახებ ბრძანების პროექტის მომზადების ბოლო ვადად განისაზღვროს 2020 წლის 14 სექტემბერი;

13. დაევალოს სამართლის სკოლას არგუსსა და განათლების ხარისხის განვითარების ეროვნული ცენტრის ერთიანი სტუდენტური რეესტრის მონაცემთა ბაზაში შიდა მობილობის შედეგების ასახვა შიდა მობილობის შედეგების შესახებ ბრძანების გამოცემიდან 1 დღის ვადაში;

14. შიდა მობილობის შედეგების განათლების ხარისხის განვითარების ეროვნული ცენტრისათვის წარდგენის ბოლო ვადად განისაზღვროს 2020 წლის 28 სექტემბერი;

15. შიდა მობილობის პროცესზე პასუხისმგებელ პირად განისაზღვროს სამართლის სკოლის დეკანი;

16. სამართლის სკოლის მიერ მომზადებული დასკვნებსა და წარმოდგენილ დანართში მითითებულ პროგრამის სახელწოდებების სისწორეზე პასუხისმგებელ პირებად განისაზღვრონ დეკანი და პირი, რომელიც ამზადებს შესაბამის დასკვნას;

17. სამართლის სკოლის დეკანს დაევალოს შექმნას ჯგუფი, რომელიც მოახდენს შიდა მობილობის პროცესის უზრუნველყოფას;

18. სამართლის სკოლას დაევალოს უზრუნველყოს ამ ბრძანებაში მითითებული ინფორმაციის მიწოდება სტუდენტებისათვის;

19. საინფორმაციო ტექნოლოგიების სამსახურს დაევალოს ამ ბრძანებაში მითითებული ინფორმაციის მიწოდება სტუდენტებისათვის სასწავლო პროცესის მართვის ელექტრონულ სისტემა „არგუსი“-ს საშუალებით;

20. სამართლის სკოლას დაევალოს უზრუნველყოს შიდა მობილობის პროცესში მონაწილე სტუდენტთა თავსებადობის დასკვნების მიწოდება საინფორმაციო ტექნოლოგიების სამსახურისთვის, შიდა მობილობის შედეგების ბრძანების გამოცემიდან სამი სამუშაო დღის ვადაში.

21. უნივერსიტეტის საზოგადოებასთან ურთიერთობის სამსახურს დაევალოს უზრუნველყოს ამ ბრძანებაში მითითებული ინფორმაციის მიწოდება სტუდენტებისათვის ყველა შესაძლო საშუალებით;

22. დაევალოს უნივერსიტეტის კანცელარიას, ეს ბრძანება გააცნოს ფაკულტეტებს/სკოლებს, ბიუჯეტირებისა და ფინანსური ანალიზის სამსახურს, შემოსავლების აღრიცხვისა და ანალიზის დეპარტამენტს, ხარისხის უზრუნველყოფის სამსახურს, რექტორის აპარატს, იურიდიულ სამსახურს, საზოგადოებასთან ურთიერთობის სამსახურს, საგარეო ურთიერთობების სამსახურს, საინფორმაციო ტექნოლოგიების სამსახურს, ადმინისტრაციის სამდივნოს, სტუდენტურ საქმეთა დეპარტამენტს.

გიგა ზედანია

რექტორი



